

## Universitätsbibliothek Paderborn

**Disputationum// Roberti Bel-/Iarmini Politiani,// Societatis  
Iesv// De Controversiis// Christianae Fidei, Adver-/sus  
huius temporis Haereticos,// Tomus ...**

De Sacramento Evcharistiæ - Sex Libris Explicata

**Bellarmino, Roberto Francesco Romolo <Heiliger>**

**Ingolstadii, [1589]**

**VD16 B 1603**

XVII. Testimonium Optati Mileuitani.

[urn:nbn:de:hbz:466:1-54113](#)

descendat, sed manente illo saluo, & in columni in celo, ut quotidie panem in corpus eius, & eo modo a multis mandari.

Quod autem non loquatur de mutatione panis in carnem per solam significationem, ut aduersarij dicere solent, sed vera, & reali mutatione, patet PRIMO, ex ipsa quæstione, quæ (vt dixi) inepta esset, si de mutatione significationis ageretur. SECUNDO, patet ex ipsa eius explicatione; dicit enim, ita mutari nunc panem in carnem Domini virtute verborum ipsius quemadmodum cum ipse in terris viueret, mutabatur panis quo ipse vesciebatur, in carnem ipsius. TERTIO patet, quod dicit hanc mutationem fieri diuina virtute, seu virtute divinitatis benedictionis: nulla autem virtus requirebatur ad mutationem significationem, cum sit res mere voluntaria. Hac autem loca verba eius: *Diuinum illud corpus panis nutrimentum accipit idem quod ammodo erat cum illo cibo,* (vt diximus) *in eius corporis naturam immutato.* Et infra: *Quamobrem restat etiam nunc Dei Verbo sanctificatum panem in Dei Verbi corpus tradimus immutari.* Et infra: *Hoc autem tribuit virtute benedictionis in illud (corpus Domini) rerum quæ sidentur (id est panis, & cibi) naturam mutans.* Hac ille. Quia tam perficiuntur, ut non fuerit ausus ullus aduersariorum, quod sciamus, ad hec loca respondere, vel aliquid ex hoc auctore nobis significare.

## CAPUT XVII.

## Testimonium Optati Mileuitani.

PTATVS MILEVITANVS floruit codem tempore, quo Ambrosius, & Basilius, ut patet ex libro contra Parmenianum, ubi scribit se vixisse tempore Siricij Papæ, qui Damaso successor fuit. Isigitur 6. lib. contra Parmenianum, sic ait: *Quid enim est tam sacrilegum, quam altaria Dei, in quibus aliquando & eos obruiunt, frangere, radere, remouere? in quibus evanescunt, & membra Christi portata sunt: quo Deus omnipotens innocatus secundum postulatum descendit Spiritus sanctus, unde a multis pigmentis salutis aeterna, & tutela fides, & spes resurrectionis acceptat.* Et infra: *Quid est altare, nisi sedes corporis, & sanguinis Christi?* Et infra: *Quid eos offenderat Christus, cuius illuc per certa momenta corpus, & sanguis habitabat?* Et infra: *Hoc tamen immutat.*

immane facinus geminatum est, dum fregisti etiam calices  
Christi sanguinis portatores. Hæc ille.

Quod autem per corpus Christi, quod tam sæpe repetit  
Optatus in altari manere solitum, non intelligatur corpus si-  
gnificatiuè, sed verè, id est, non solus panis, qui Christi cor-  
pus repræsentet, sed ipsum verum, & propriè dictum corpus,  
multis modis probari potest ex hoc ipso loco. P R I M O EX EO,

quod cùm toties id repeatat, ne semel quidem dixerit, signum  
corporis in altari manere vel offerri, sed perpetuò, corpus  
Christi, aut membra Christi.

S E C V N D O EX EO, quod dicit, inuocari super altare Deum  
omnipotentem, & descendere super idem altare Spiritum  
sanctum, quod sine dubio referendum est ad consecratio-  
nem: videmus enim in omnibus Liturgiis antiquis inuocari  
Spiritum sanctum, ut descendat, & transmutet panem in cor-  
pus Christi; neq; potest reddi alia ratio huius descensus Spiriti-  
tus sancti, nisi ad Sacramentum conficiendum. At quorsum  
iste descensus, quorsum inuocatio omnipotentis, si nihil mi-  
rabile, & supernaturale fieri deberet?

T E R T I O ex eo, quod Eucharistiam vocat Optatus, pi-  
gnus salutis, tutelam fidei, & spem resurrectionis: alludit e-  
nim ad id, quod veteres, Irenæus, Hilarius, Cyrillus, Nyssen,  
& alij dicere solent, ideo coniungi cum corpore nostro  
corpus Christi, ut ex illo trahat vim quandam ad beatam im-  
mortalitatem assequendam.

Q U A R T O ex eo, quod dicit, per certa momenta habitare  
corpus Christi in altari. Si enim loqueretur de signo corpo-  
ris, non dicaret: Per certa momenta, sed, semper, semper enim  
in altari manere solet crux, ut Chrysostomus testatur in orat.  
quod Christus sit Deus; immò etiam (ut ipse ibidem ait) in cul-  
minibus, in parietibus, in vasis, &c. Crux autem signum est  
Christi crucifixi; & ipsum etiam altare figura quedam est, &  
signum Christi, ut fatetur Petrus Martyr libro contra

Gardin. obiecto 38. alio igitur modo, quam  
per significationem, Eucharistia  
corpus Christi est.

